

兩漢書疏證



兩漢書疏證



後漢書疏證卷十一

吳 沈欽韓撰

東夷傳

序 殷湯革命伐而定之

說苑權謀篇湯欲伐桀伊尹曰請阻乏貢職以觀其動
桀怒起九夷之師以伐之伊尹曰未可彼尙猶能起九
夷之師湯乃復入貢職明年又不供貢職桀怒起九夷
之師九夷之師不起伊尹曰可矣湯乃興師

命徐偃王主之

檀弓徐容居曰昔我先君駒王西討濟於河卽此西至

河上也

三十有六國

淮南人閒訓徐偃王好行仁義陸地之朝者三十二國
說苑指武篇王孫厲謂楚文王曰徐偃王好行仁義之
道漢東諸侯三十二國盡服矣此云三十六從史記
楚文王大舉兵而滅之

說苑指武篇王孫厲謂楚文王曰王若不伐楚必事徐
文王遂興師伐徐殘之按偃王旣當穆王時不得以武
王熊通之子文王連文也傳記之謬洪興祖楚詞補注
亦言之

徐山

江南通志徐山在徐州銅山縣南七十里一統志有兩
徐山其一在邳州西南

避地朝鮮因王其國

魏志注魏略曰昔箕子之後朝鮮侯見周衰燕自尊爲
王欲東略地朝鮮侯亦自稱爲王欲興兵逆擊燕以尊
周室其大夫禮諫之乃止使禮西說燕以止之不攻後
子孫稍驕虐燕乃遣將秦開攻其西方取地二千餘里
按燕王喜東保遼東則遼東地本燕有至滿潘汗爲界滿字衍朝鮮遂弱及
秦并天下朝鮮王否服屬秦否死子準立二十餘年而

陳項起天下亂燕齊趙民愁苦稍稍亡往準準乃置於西方及漢以盧綰爲燕王朝鮮與燕界於沮水綰反入匈奴燕人衛滿亡命爲胡服東度沮水詣準降說準求居西界故中國亡命爲朝鮮藩屏準信寵之拜爲博士賜以圭封之百里令守西邊滿誘亡黨衆稍多乃詐遣人告準言漢兵十道至求入宿衛遂還攻準準與戰不敵走入海王海中號韓王

夫餘國

北有弱水

通典營州柳城縣東南有饒樂水卽弱水也弱切音北爲饒樂

史登國三年道武親討庫莫奚至弱水南大破之魏書
帝紀則云渡弱落水又蠕蠕傳北徙弱洛水則弱水是
省文也唐書北狄傳太宗以奚長可度者內附爲置饒
樂都督府拜可度者爲都督以阿會部爲弱水州奧失
部爲洛瓌州通典云庫莫奚後稍強盛分爲五部云云
理饒樂水北卽鮮卑故地一名如洛瓌水蓋饒樂之誤
然則弱水之名展轉異名有四其實一也

地方二千里

一統志奉天府開原縣扶餘國地唐置黑水州都督府
後渤海大氏取扶餘地改扶餘府

後漢書地理志卷一
三
北夷索離國王

論衡吉驗篇作橐離按晉書有裨離國在肅慎西北馬
行可二百日疑此是也隋書東夷傳以爲高麗王非是
南至掩淝水

魏志注作施掩水隋百濟傳作掩水章懷注以爲蓋斯
水此乃前志西蓋馬之馬訾水卽今鴨綠江徐兢高麗
圖經鴨綠之水源出靺鞨其色如鴨頭故以名之去遼
東五百里經國內城又西與一水合卽鹽難水也二水
合流西南至安平城入海

大珠如酸棗

東夷考略長白山在開原城東南四百里其巔有潭流水下成湖陂湖中出東珠貴者且千金

名曰迎鼓

荆楚歲時記十二月八日爲臘日諺語臘鼓鳴春草生村人並擊細腰鼓戴胡頭及作金剛力士以逐疫天中記謝承書曰東夷三韓俗以臘日家家祭祀俗云臘鼓鳴春草生也

目蹠占其吉凶

御覽

七百二十六

楊方五經鉤沈曰東夷之人以牛骨占事

呈吉示凶無不中按女國鳥卜赤土國鷄卜遼史西夏

傳凡出兵先卜有四一炙勃焦以艾灼羊髀骨二擗筭
擗竹於地以求數若揲著然三咒羊其夜牽羊焚香禱
之又焚穀火於野次晨屠羊腸胃通則吉羊心有血則
敗四矢擊弦聽其聲知勝負及敵至之期

旣殺復尸於山上

北史豆莫婁國在勿吉北千里舊北夫餘也俗尤惡妬
者殺之尸於國南山上至腐女家輸牛馬乃與之

玉匣付立菟郡

魏志公孫淵伏誅立菟庫猶有玉匣一具

挹婁古肅慎之國也

元史地理志瀋陽路本挹婁故地又開元路古肅慎之

地通典云其國在不咸山北

晉曰肅慎後魏曰勿吉隋曰靺鞨

一統志

長白山在吉林烏喇城東南橫亘千餘里山巔有潭爲
鴨渌混同土門三江之源古名不咸山今奉天府鐵嶺
縣承德縣及寧古塔黑龍江並挹婁國地挹婁故城在
今鐵嶺南六十里

不知其北所極

魏書勿吉國自和龍北二百餘里有善玉山山北行十

三日至祁黎山又北行七日至如洛瓊水水廣里餘

按即

弱水又北行十五日至太魯水又東北十八日到其國國

有大水闊三里餘名速末水遼史聖宗太平四年詔改鴨子河曰混同江一統志

源出長白山即古粟末水東夷考略云混同江北流過灰扒夷地則名灰扒江過兀喇夷地則名兀喇江又北

至海西屈而東入唐書北狄傳黑水靺鞨居肅慎地明統

於海通名烏龍江志黑龍江在開原城北二千五百里源出北山黑水靺鞨舊居此一統志黑龍江源出喀爾喀北界肯特山土

人謂之敖嫩會諸小水東北流經尼布楚城南入內地至雅克薩城南折而東南流至黑龍江城北遶城東南

流又東與混同江會東瀕海西屬突厥南高麗北室韋其部酋著

者曰粟末部居最南抵太白山即長白山依粟末水以居東

北曰汨咄部又次曰安居骨部益東曰拂涅部西北曰

黑水部粟末之東曰白山部白山本臣高麗王師取平

壤白山汨咄安居骨皆奔散遺人迸入渤海惟黑水完

强分十六落以南北稱其居最北方者也渤海本粟末
靺鞨姓大氏高麗滅率眾保挹婁之東牟山睿宗先天
中拜祚榮爲渤海郡王自是始去靺鞨專稱渤海後爲遼所
滅元志合蘭府水達達等路土地曠闊人民散居元初
設軍民萬戶府五撫鎮北邊曰桃溫胡里改幹朶憐脫
幹憐亭苦江分嶺混同江南
北之地皆水達達女直之人

出好貂

一統志奉天府土產貂今烏喇諸山林多有之以松子
爲糧捕者八月往十二月回正月進御皆於雪天尋其
跡而捕之寧古塔黑龍江城並產貂

常爲穴居

北史深末怛室韋冬月穴居以避太陰之氣

西域聞見錄溫都斯

但回國之大者也穴地深數丈旁掘土洞爲室室亦絕精飾以金玉從無地上起屋之事其城村似曠邈無人烟處也

衣其皮

北史南室韋以豬皮爲席通典流鬼婦人冬衣豕鹿皮夏衣魚皮唐書黑水靺鞨俗編髮綴野豕牙爲飾杜甫詩羌父豪豬韉

臭穢不潔

魏書俗以人溺洗手面明史瓜哇國人汗穢與犬同寢食

鏃皆施毒

通典流鬼弓長四尺餘箭與中國同以骨石爲鏃北史
宇文莫槐傳秋烏頭爲毒藥以射禽獸

便乘舩

明統志生女直阿速江至散魯江衛名頗類可木衛名乘五

板舩疾行江中元志俗有狗車木馬之便狗車形如舩
以數十狗拽之往來遞運木馬形如彈弓繫足激行可
及奔馬二者止可冰雪上行按元地理志吉利吉思人
遇雪則跨木馬逐獵撼合納民冬月亦乘木馬出獵又
輟耕錄高麗以北名別十八華言連五城也其地極寒

後漢書政記卷十一
海自八月卽冰用站車每車以四狗挽之

東夷夫餘

按夫餘晉時尙有其國晉書太康六年爲慕容廆所襲破其王依慮自殺子弟走保沃沮明年夫餘後王依羅遣詣東夷校尉何龕求率見人還復舊國至晉末始有百濟魏書云百濟國其先出自夫餘李延壽南北史並言馬韓之一種然北史云東明至夫餘而王至仇台篤始立國於帶方遼東公孫度以女妻之遂爲東夷強國魏志乃初以百家濟因號百濟隋書云百濟出自高麗夫餘事國然兩史所敘先系悉扶餘國也魏志尉仇台死傳簡

位居麻余依慮三世依慮至太康六年國破自殺皆無
百濟之號沈約姚謩書則云東晉世高麗略有遼東百
濟亦據有遼西推考百濟立國之由當在王依慮自殺
子弟走保沃沮此時以百家濟海故號百濟耳自晉以
下有百濟無沃沮可見漢魏之沃沮卽六朝之百濟而
扶餘後亦自復舊土兩國並立

唐書百濟王扶餘璋仍以扶餘爲姓明本系同

也魏書高百傳玉始中世宗引見使臣芮弗悉曰夫餘

爲勿吉所逐涉羅爲百濟所并則二國並立且二百年
隋史等以爲後漢未號百濟謬矣諸史於東夷傳兩國
源流殊爲舛沽蓋扶餘適與中國不通乃湮沒耳魏收